

Ukusokolola – Icipandwa ca 1

Yohane 14:21, “Uukwete amafunde yandi, no kuyabaka, wene ninshi e wantemwa; no wantemwa akatemwikwa kuli Tata, naine nkamutemwa, no kuilangisha kuli wene.”

“Kabili waeseshe abailumbula ukuba abatumwa, kabili tababa iyo, no kubasanga ukuti ba bufi” (Ukusokolola 2:2-3). Mwe, ilya ni nsoselo iyakosa. “Waeseshe abailumbula ukuba abatumwa.” Bushe cilya tefikansa? Ninsambunshi abantu bakwata ukweshababo abailumbula abene abatumwa? Kabili musangonshi besha bena?

Ici cili apa mu Bena Galatia 1:8,

“Lelo nga nifwe bene, atemwa ni malaika wa mu mulu, onse uubila kuli imwe mbila nsuma iyalekana na iyo twakwata (kale) twabilile kuli imwe, abe uwakungwe cilai.”

Cali batumwa abo abaletele Icebo ca ntendekelo ku bantu. **Cilya Cebo ca ntendekelo teti calulwe**, takuli nangu akalitoni nangu akasongo ka cena. Paulo aliishibe cena ukutla cali ni Lesa uyo uwalandile kuli ena e ico atile, “Nangula nga naliishile no kwesha ukupela ukusokolola kwa cibili, ukweshabakapanga kumo ukunono ukupilibula muli cilya ico napele pantendekelo, lekeni mbe uwakungwe cilai.” Mulemona, **Paulo alishibe ukutla bulya ubusokololo ubwa kubalilapo bwali ubwa lungama. Lesa teti apele ubusokololo bwa kubalilapo, elyo ubusokololo bwa cibili.** Nga Ena alicitile, Ena kuti apilibula amano Yakwe. **Ena kuti apela ubusokololo**

kabili lyena ukulundako kuli bwena, ngefyo Ena acitile mwibala Iya Edeni ilyo Ena alaile uwabufyashi ku mwanakashi kabili lyena panuma aishile pela ulya Uwa bufyashi uwaishile ukupitila muli Abraham, kabili elyo panuma atile ali no kwishila mu mushilwa wa mulopa umo wine muli Dabidi. **Lelo cali ubusokololo bumo bwine.** Cena capele fye abantu ilyashi ilingi ku kubafwilisha ukupokelela no kwiluka cena.

Lelo Icebo cakwa Lesa teti caluke. Uwabufyashi aishile filya fine nge fyo casokolwelwe. Alleluya. Kabili mwamona ifyo balya abatumwa ababufi balecita. Bena baishile ne Cebo cabo abene. Balya abena Efese baliishibe cilye Cebo ngefyo Paulo asambilishe cena. Bena bali abaisushiwa na Mupashi wa Mushilo mu kubikwa kwa ndupi shakwa Paulo. **Bena balolekeshe balya abatumwa ababufi mu linso kabili batile, “Imwe tamulesosa ifyo Paulo asosele. Imwe muli, e ico kanshi, ababufi.”** Owe, cilya cilebika umutima wandi pa mulilo. Bwelelenimo ku Cebo!

Ulukuta, nalo, lwalifuma ku fyo lwena lwali pa ntendekelo. Lwena lwalisankanishiwa, cilya cili, ulukuta ulwaitunga ukuba lwaba ulwansankanishiwa. Abantu balasosa, “Ndi Baptist.” Tacali ifyo mu kutendeka. “Ndi Methodist.” Tacali ifyo mu kutendeka. **Mucifulo ca Cebo cakwa Lesa icapwililika, mucifulo ca baume abo baisushiwa na Mupashi mu lukuta abo abatungulwilwe ku busokololo ubwapelwe no Mupashi,** fyaba nomba ifisumino, na mafunde, ne fyakutunganya fya baume abasambilila. **Ukusambilila kwalisenda icifulo ca busokololo. Ukutontonkanya kwa senda icifulo ca**

citetekelo. Ubutantinko bwa senda icifulo ica kulumbanya bwino bwino mu Mupashi wa Mushilo. Tacali ifyo mu kutendeka. Icilimwa conse na caluka. Lwena nalusanguka ulukuta lwa kusankanya. [1]

Nomba, nifinshi ifyo bacitile? Bena tabaishibe cena. Ilelo abaume benda ukwabula ukwishiba; bena tabaishiba ukutula cilya Cine. Bena batontonkanya ukutula cilya caba nge cepala icikomo. **Bena tabaya nganshi umwashika ukwingila mu mupashi wa busokololo. Bena tabapepa nganshi; bena tabeta pali Lesa nganshi.** Bena bacisenda fye icayanguka. “Owe, cisuma, ndecetekela cena ni Lesa. Mucine.” Kasebanya acetekela icintu cimo cine. Kasebanya alacetekela cena ukucila ifyo abantu bambi balumbula ukucetekela; **kasebanya alacetekela cena no kututuma (Yakobo 2:19).** Abantu bacetekela fye cena no kutwalilila, lelo kasebanya alatutuma, ukwishiba ubupingushi bwakwe buleisa. Kabili abantu balacetekela cena kabili tabaposako amano ukutula bupingushi buleisa. [2]

Yesu aipwishe abasambi bakwe inshita imo, “Abantu batila Nine ani?” kabili bamo batila, “Nimwe kasesema.” Bamo batila, “Nimwe umo uwa bakasesema abakale na buka.” Kabili “Nimwe Mose,” atemwa “Eliya,” atemwa icintu cimo.

Atile, “Ndemipusha imwe; mutontonkanya shani?”

Kabili Petro atile, “Nimwe Kristu, Umwana wakwa Lesa wa mweo” (Mateo 16:13-20).

Ena atile, “Walishuka iwe, mwana Yona (Simone, mwana Yona), **pantu umubili no mulopa tafyasokolwele ici kuli iwe.** Iwe tawasambilile cena

ukufuma mwi buku, atemwa ukufuma mu cisumino, atemwa ukufuma kuli katekesimu. **Tata, uuli mu mulu, nasokolola ici kuli imwe.” Ulya palya uwacetekela uwa cine: ubusokololo wa bu mupashi wa Cebo.** Mwamona?

Ni we Simone, kabili na pali ici cilibwe, **pa busokololo pa fintu naba, nkakula ulukuta lwandi,** kabili impongolo sha kumbo tasha kalwashe.” Mwamona?

Te cakusunguka Simone atile, “Nikuli ani twingaya?”

Yesu alipilibwike no kusosa, “Bushe na imwe mulefwaya ukuya?”

Kabili batile, “Shikulu, nikwisa uko twingaya, pantu Imwe fye mweka mwalikwata Ifyebo fya Mweo. **Ni Mwe fye mweka.” Tacali fye ukutila Ena alikwete Ifyebo fya Mweo, Ena ali Icebo ca Mweo.** Mwamona? Ena ali Cebo ca Mweo, kabili Simone mucine alishibe ici. Kabili ilyo aishibe cena, cilya e casungile isubilo lyakwe, **pa mulandu cali sokolwelwe kuli wene ukutila Ena ali cilya icebo ca mweo,** (*Yohane 6:60-71*).

Nomba, ulya e wacetekela uwacine. Ilyo Mupashi wa Mushilo, te kunkomeshiwa no muntu umbi, te ku cintu cimo cimbi, **lelo ilyo Mupashi wa Mushilo asokolwela kuli imwe Icebo Icine,** kabili mwamona Icebo palwalala, ukushininkishiwa; lyena Mupashi wakwa Lesa waliishile no kwingila muli ilya nshita ku Cebo ca ilya nshita no kucilenga ukumonekela. [3]

Umuku naumbi: Petro, ilyo alandile, atile, “Nimwe Kristu, Umwana wakwa Lesa uwa mweo.” Nomba, moneni, “Walishuka iwe, Simon Bar-jona

(cilya cilepilibula mwana Yona.)—walishuka, **pantu umubili no mulopa tafyasokolwele ici kuli iwe** (Iwe tawata lile sambilila cena ukufuma kwi sukulu limo.), lelo Taata uyo uuli mu mulu nasokolwela cena kuli iwe.” Moneni, ifyo Ena asosele kuli ena: “Napali ici cilibwe...” Ulya ni Petro, imbuto iyalilingilwa libela iya kwa Lesa Iyo iyapokelele ulu Lubuuto no kupela imfungulo ku Bufumu. **“Napali ici cilibwe ca busokololo ifyo Yesu Kristu aba...” Ena ni Lesa uwamonekela onse.** “Na pali ici cilibwe...” Te Tata, Mwana, na Mupashi wa Mushilo, na Wene ukuba umuntu wacibili... “Napali ici cilibwe nkakula ulukuta lwandi, kabili impongolo sha kumbo tashakaluponye panshi—tashaka cimfye pali lwena. **Nkakula ulukuta lwandi pali ici cilibwe,” ubusokololo bwakwa Yesu Kristu, ifyo Ena ali. Kabili Ena e Cebo.**

Lolekesheni, Kristu muli imwe alenga Wene ukuba ishintililo Iya Bumi bwa busokololo. Mwamona? Umweo wa kwa Kristu muli imwe cilenga Wene ukuba ishintililo Iya busokololo. Kristu muli Baibele, cilenga Baibele ukuba ubusokololo bonse bwakwa Kristu. Kristu muli imwe ala mulenga imwe ukuba ubusokololo bonse ubwa cintu conse (*Abena Kolose 1:26-29; Abena Kolose 2:1-3*). Mwamona ifyo Lesa aleesha ukucita?

[4]

Nomba kwaba ukutalikishanya ukwa lekana lekana pali cilya. Abantu ba ci Roma, ba Katolika batila, “Ena akulile lwena pali Petro.” Mwamona, kabili nga cilya cili fyo, Petro alibwelele numa munsoni (*Luka 22:54-62*). E ico, Cena tacali. “Cena,” mucine talwakulilwe pali Petro, Petro, ilibwe ilinono. Kabili lyena ba Protestant batila, ukutila, “Ena akulile lwena pa

Mwine, Yesu Kristu.” Te kuba uwapusana, lelo ndepusana na bena. Ena tatalile kula lwena pali umo wa bena.

Ena akulile Lwena pa busokololo Ubo Ena ali. Te ku kwishiba! Iwe tawasambilile Cena ku ma buku. Iwe tawasambilile Cena pa kuilunda ku lukuta. Iwe tawasambilile Cena mu matuka. Iwe tawacitile! Lelo Mupashi wa Mushilo Wine nauleta Umuntu wakwa Yesu Kristu kuli imwe, lyena, “Pali ici Cilibwe Nkakula Ulukuta Lwandi, kabili impongolo sha kumbo teti shilwanshe Lwena.” Cilye cilaka ca mushilo nacikushiwa mu Buntu bwakwa Yesu Kristu. Mwacimone co. Cilya cili icintu ico tulefwaya ukulolekeshako, ukwikusha cilye cilaka na Cilya. Cisuma, ifwe tulesanga ukutila tulingile. [5]

Ni cinshi ukufyalwa cipya cipya lyena? Mwatila, “Cisuma, Munyina Branham, **ni cinshi ukufyalwa cipya cipya?**” **Cena busokololo bwa kwa Yesu Kristu umwine kuli imwe.** Ameni. Mwamona? Te imwe ukuilunda ku lukuta, mwali poseshe mu kuboko; mwalicita icintu cimo icaibela; mwalisosa icisumino; mwalilaile ukwikalila ubutantinko wa mafunde; **lelo Kristu, Baibele...Ena e Cebo ico icasokolwelwe kuli imwe.** Kabili te mulandu ifyo uuli onse engasosa, ico icingacitika, cena ni Kristu. Kacema. Shimapepo, conse ifyo cingaba...**Ni Kristu muli imwe. Bulya e busokololo ubo Ulukuta lwakulilwepo.**

Mwatila, “Cisuma, ndi Lutheran,’ “Ndi Baptist”; “Ndi Presbeterian.” Cilya tacilepilibula cilya kuli Lesa, nangu cimo, te kulisha kwa munwe wenu. Cena ni cinshi? **Ni Kristu ulesokololwa, kabili Ena e Cebo. Kabili ilyo Cebo casokololwa, Cena cilailangisha Icline.** Mwamona? **Yalya e mapange yakwa Lesa pali**

Yesu Kristu, cali ukuilangisha Umwine, ukusenda amalango Yakwe no kwikalila ku malango yakwe, no kufikilisha amalango yakwe mu mfwa (Abena Roma 8:1-4). Kristu, Lesa afwile mu mubili pakutula engebaula ulubembu mu mubili pakutula Ena engaleta ku Mwine Nabwinda uwabukata, ukulubulwa ukubwekeshiwa, abo abali no kucetekela fye mu Cebo cakwa Lesa no ku kanapyanisha Cena, ngefyo Efa acitile, pa mano aya masambililo ya bantu (Ukutendeka 3:1-7).

Lilya e lyano lyakwa Kristu. Lilya e lyano lyakwa Lesa. **Ukufyalwa cipya cipya kusokolola ici.** Kabili ngo muntu atila alifyalwa libili no kwesha ukubika aya amabulayo yakwa Kristu muli buno bushiku bwa kulekelesha ku nshita imbi, uku mulenga Wene ukuba Kristu mailo, lelo te buno bushiku, lyena ulya mwaume atemwa ulya muntu aba mukubepwa ubufi kuli Satana. Kabili **nga ulyo mwaume alesosa ukutula alicetekela cilya, kabili tacileilangisha icine ukupitila muli wene...**Yesu atile muli Marko 16:17-18, “Ifi fishibili fikakonka abo abacetekela...mwi sonde lyonse kabili ku nshita shonse.” Ukutamfya ifiwa, kabili no kulandila mundimi, kabili ne fi fyonse ifilangisho ifikalamba ifya fyabupe ifyo ifingakonka, ukutula bali—te kutila limbi, bena balingile ukucita; bena bakacita. Kabili imyulu ne sonde fikapita, lelo Icebo Cakwe tacakapite (*Mateo 24:35*).

E ico ni Kristu ukuilangisha Umwine muli cila muntu, nga ena alisambilila, atemwa nga ena taishiba ABC wakwe. Hafu wa batumwa tabafishibe. Cilya cishinka. **Lelo baliishibe Kristu.** [4]

Ukwishiba Wene e Mweo, Umuntu, Kristu Umwine (*Yohane 17:3*), te kupashanya. Cena busokololo ubo Lesa akulilepo ulukuta Lwakwe. Kabili nga tatulekula pali lulya lukuta lumo lwine...Baibele itila, “Abele, ku citetekelo...” (*Abahebere 11:4*). Kabili icitetekelo caba ubusokololo wa Bulesa. Mwamona? **icitetekelo busokololo wa Bulesa**. Cisuma. Ici conse Icintu cakulwa pa busokololo lyena, kabili kano fye ici casokolwelwa kuli imwe...Yesu atile, “Ndetotela Imwe, Tata, ukutula Imwe namufisa ifi fintu ukufuma ku bamano aba ili sonde, **no kusokolwela fyena ku tunya nga uto twingasambilila**” (*Mateo 11:25*). Mwamona? Nomba, icintu conse cali kulwa palya; **imwe mulingile ukwishiba Umuntu**. [5]

Te kwishiba Icebo Cakwe nangula cilapela imwe-ukwishiba Cena, **cena tacimupela imwe Umweo wa Muyayaya**. Ukwishiba Wene, Baibele itila, “**Ukwishiba Wene e Mweo wa Muyayaya,**” te kwishiba Icebo Cakwe, **ukwishiba Wene** (*Yohane 17:3*). [6] Bena tabatalile ukumfwila kuli Petro na Yohane, ukwishiba ukutula bena balifumine ku seminary imo. Bena batile balilwike no kumona ukutula bali pamo na Kristu ilyo baundepe umwaume uwalemana pa mpongolo. Bena baliishibe bena bali pamo na Kristu (*Imilimo ya Batumwa 4:13-22*).

Ukufyalwa cipya cipya ni Kristu, e busokololo. Lesa nasokolwela kuli imwe iyi nkama iikalamba, kabili cilya e kufyalwa cipya cipya (*1 Petro 1:22-23*). Nomba, ni cinshi muli no kucita ilyo mwaleta lilye bumba lyonse capamo, **uko ubosokololo waba mucumfwano umupwilapo, kabili Lesa ukulangisha cena ukupitila mu Cebo Cakwe ku micitile imo ine,**

ifintu fimo fine ifyo acitile ifyo Ena acitile, ukulengwa Icebo ukumoneka? Owe, ngo Lukuta lwaishibe fye icifulo caluko. Lukacita ubushiku bumo. Lyena, ukusendwa ku kacitika ilyo lukeshiba ifyo lwena lwaba.

Nomba, moneni? Mwatila, “Munyina Branham, lelo cilya tacili...” Owe, ee, efyo cili, naco. Cena caba lcine.

Bushe namumona? Paulo tatalile ishiba Yesu ku mubili. Paulo tatalile mwishiba Wene. **Inshila fye yeka iyo Paulo amwishibilemo Wene cali ku busokololo, ku cimonwa.** Bushe cilya cishinka? (*Abena Galatia 1:11-24*). **Paulo aishibe fye Yesu ku busokololo, ngefyo Petro acitile.**

Petro ali mumwene Wene mu mubili, lelo ena tamwishibe Wene ku mubili, pa mulandu Yesu efyo asosele. “Umubili no Mulopa tafisokolwele cena kuli iwe. **Nangula Umweo Wandi wine tafya sokolwele cena kuli iwe, lelo Tata uyo uuli mu mulu nasokolwela icintu kuli iwe,**” ukutla Ena e Cebo cakwa Lesa. “Napali ici cilibwe Nkakula Ulukuta Lwandi.” Petro tamwishibe Wene ku mubili.

Abantu balyendele no kumwikata Wene ne fintu fyonse ifyashala. Paulo ali kwete icintu cimo icapulamo ukucila ifyo abali bonse abatumwa bacitile. Mwamona? Bena batile, “Cisuma, ninkwata ubusokololo ubwingi ukucila iwe, Paulo, pa mulandu, nawishiba, nalyendele pamo Nankwe. Naile ndeloba pamo Nankwe ubushiku bumo. Nalyumfwile Wene alelanda. Ena aikele mu bwato pamo na ine, kabili panuma ilyo Ena anjebele, ‘Natuleya uku lubali no kuloba muli iyi ncende, kabili twalakwata isabi ilingi.’

Kabili twalicitile cena. Mwamona, ifwe twali mumona Wene ukucita ifintu.”

Lelo Paulo ali mumwene Wene panuma ilyo Ena afwile, ukushikwa, ukubuka nakabili, kabili ailangishe Umwine mu Ntumba ya Mulilo iyo iya tungulwile abana ba Israele, ukwishiba... Paulo, pakuba umu Yuda, ngatatalile ita cilya “Shikulu” kanofye nga ali mwene ukulangisha uko Ena ali akale cimo cine mailo, ilelo, no muyayaya. Ena atile, “Paulo...” mu mashiwi yambi, “Ndi Lesa umo wine ilelo ifyo nali mailo. Pano ndi mu Lubuuto lumo lwine, Ntumba ya Mulilo iyo Mose asoseleko mu cimpusa caleaka.” E mulandu wine ena kuti apatula Amalango ukufuma mu kusenamina mwi Buku Iya ba Hebere. **Ena akumenye ilya ine Ntumba ya Mulilo.** Ena atile, “Nine Yesu, Uo ulepakasa.” (*Imilimo ya Batumwa 9:1-20*).

Paulo amwishibe fye Wene ku bosokololo. Petro amwishibe fye Wene ku busokokolo. Ena aleenda Nankwe, ukulanda Nankwe. E ico kanshi, kuti mwabika ici Cebo...Nomba, nacilasosa fye ukutula Ena ali Cebo. Nomba, umusambi kuti aikala panshi no kubelenga cilya Cebo mpaka kuti Akaka amano yenu mu musango uuli onse, nga alefwaya ukucita cena; pantu ena alicenjela, wa mano. Sendeni shima pepo wa ku Katolika, atemwa uku kanaba nganshi nga filya ngo wacine umusuma uwa sambilishiwa kasambilila wa fya bulesa muli Baibele, munyina--Baptist, atemwa umu Presbyterian atemwa icintu cimo; **ena ali no kulenga imwe ukutontonkanya ukutula tamwaishiba nangu cimo.** Mwamona? Ilyo caisa mukulanda...Cinshi? Mwamona? **Pa mulandu wakutula ena alimwishibe Wene mu mubili, Icebo.**

Lelo inshila fye yeka ukutila imwe mwalipusushiwa caba ukwishiba Wene ku busokololo. Kuti nasenda isambilisho Iya ba Presbyterian no kukaka imwe ba Pentecostal mpaka teti mwishibe...Kuti nasenda isambilisho Iya ba Baptist no kulangisha imwe ba Pentecostal ifintu ba milioni ifyo tamwaishibapo nangu cimo. Cilya cishinka. Lelo cilya teco; lulya te Lukuta Lwakwe. Lulya te Lukuta Lwakwe. **Ulukuta Lwakwe lwaba Umwine ukusokololwa** (Ameni. Bushe mulemona cena?) **kabili ukulangishiwa ne Cebo Icine ukutila Ena ni Lesa.**

Musangonshi mwingasosa, “Taata, Umwana, na Mupashi wa Mushilo” elyo no kubatishiwa muli cena? Abasenshi. Cisuma. Kuti mwasosa shani mwalimwishiba Yesu Kristu, Ena e Cebo, ilyo tapaba Ilembo muli Baibele, tapaba icifulo apo uuli onse atalile batishiwa mwi shina lyakwa Tata, Mwana, na Mupashi wa Mushilo?

Kabili imwe “Yesu Eka” mwe bantu, ukubomfya fye Ishina “Yesu” ku kubatisha, ine naliishibana na bane atemwa basano ba Yesu ine wine. E ico, mulemona uko ifilonganino fyenu filemutungulwilako? Ilya ni mfimfi, ukulangisha ukwa kwa Kaini, uyo uwaletete ifisabo mucifulo ca mulopa. **Lelo ubusokololo bwaishile ukupitila mu Mulopa, ukupitila muli Yesu Kristu, uyo uwaba Umulopa wakwa Lesa, Umulopa uwalengelwe munda yakwa Maliya.**

Kabili Paul ali mwishibe Wene ku busokololo (*Abena Galatia 1:11-24*). **Ulya e musango twamwishibilamo Wene ilelo, e nshila fye yeka mwingeshibilamo Wene.** Te kusosa, “ndi

Methodist.” Cilya tacipilibula nangu cimo. “Ndi Baptist.” Cilya tacilepilibula nangu cimo. “Ndi Katolika.” Cilya tacilepilibula nangu cimo. **Lelo ku busokololo ukutila Lesa nasokolola Icebo kuli imwe. Ena e Cebo, kabili Cebo, umusango mwishibilamo ukutila Cena na cisokololwa, Cena cilaba ica mweo Icline no kuilangisha Icline muli imwe. Owe.**

Inkuta shalilabako bulyo busokololo ubukalamba. Cilya cishinka. **Ukusokolola kwa Cine, bena nabalabako cena. Bena basumine imbila ya masambililo—abasambilila, bu membala, ukwishiba mucifulo ca busokololo ubwa cine ubwa Cebo.**

Cena ni Yesu Kristu, ukufyalwa cipya cipya na kusokolwelwa muli imwe ukutila Ena nakwata intanshi (Abena Kolose 1:17-20), pakutila Ena engalangisha Ifyebo Fyakwe. Kabili icintu icili conse ico Ena alaile muli ishi nshiku shakulekelesha, **Ena engalenga cena ukufikilishiwa ukupitila mu Mubili Wakwe** ilyo Ena alebomba. Ameni. Cena nifilya fine Icebo cakwa Lesa ukulengwa ukumonekela.

Moneni. Cisuma, cimo cine nga mu nshiku shakwa Kristu... **Lesa alikwata ulufungulo kuli uku kusokolola kwa kwa Kristu Umwine.** Ulecetekela cilya? Ama Sukulu ya masambililo ya fya bulesa teti yatale ukusanga cena. Yesu efyo asosele muli Mateo 11:25 na 27. “Nde Mutotela, Mwe Tata Lesa wa ku mulu na panonse, ukutila Imwe mwalifisa ifi ku menso ya bamano nakuba mucetekanya, **no kusokolwela fyena kutunya nga uto utwingasambilila.”**

E ico kanshi, takuli isukulu, takuli kasambilila wa fyabulesa, takuli amasambilisho ya Baibele, pakati ka

masukulu ayali yonse ayo ayaishiba icintu cili conse palwa cena. **Bena tekuti beshibe nangu cimo palwa cena. Cena cintu cishingacitwa kuli bena ukwishiba icili conse palwa cena. Lesa alifisa amano ayakwishiba cena ukufuma kuli bakasambilisha bene abasalwa ne fintu fyonse ifyashala. Cena ca umo, umulimo wa umo no muntu uo Kristu asokolwele kuli bena. Kabili nga mwasosa, “Ena alisokolwelwa kuli ine,” kabili lyena Umweo uo Kristu alangishe umu muli Baibele (ulya wine Umweo umo wine uwali muli Wene) tabule ilangisha Uwine muli imwe, lyena namukwata ubusokololo ubwalubana.**

Nga nabika ubumi ubwa cipushi mu bumi bwa cimuti ca pear, kuti catwala ifipushi. **“Ku fisabo fyabo mukabeshibila”** (*Mateo 7:16-20*). Ni filya fine icishinka. Kabili nga icakubalilapo mwabika icimuti (icilimwa ca mwapele), kabili catwala umwina wa myapele (ukubalula ukwa kubalilapo kwaletete imyapele), ukwakonkelepo kwaletete indium, ukwakonkelepo kwaletete ama pear, ukwakonkelepo kwaletete imyapele, kuliko umusango umo uwapala nge mibombebele ya kufyantikamo mulya uko ukuletwala ubumi bwa ciko ubwine (*Yohane 15:1-7*).

Icilonganino icili conse cikatwala ubumi bwa ciko. Lelo nga ulyo mwangashi wantendekelo ukatala ukubalula kumbi, ukatwala imyapele ngefyo wacitile umuku wakubalilapo. Kabili **ngo Bumi wakwa Yesu Kristu ukatala ukuleta umubili naumbi wabacetekela, ukatwala icisabo ico icakubalilapo cacitile; bena bakalemba Ibuku Iya Milimo ya Batumwa kunuma ya cena, pa mulandu cikaba Ubumi bumo bwine.** Mwamona, ico ndepilibula?

Imwe teti mutalukeko fye kuli cena. **Cena Mweo wakwa Kristu muli imwe, walibikwa muli imwe ku Mupashi wa Mushilo Uwine, ukwikala Umweo Wakwe ukupitila muli imwe.**

Moneni, Lesa ewakwata iyi mfungulo eka. Takuli nangu umo uwasambilila ifya bulesa uwingamweba. Cena tacaishibikwa; califiswa kuli bena. Bena tabaishibapo nangu cimo pali cena. E ico ama sukulu... “Cisuma,” mwatila, “Nalikwata Ph. LL.D.” Imwe mulenga fye...Kuli ine kabili nalicetekela na kuli Lesa kabili na kuli onse uwacine, uwacetekela uwa cishinka, cilya cilepilibula imwe muli kulya ukutali nganshi; imwe mwalifumako fye. **Lesa teshibikilwa ku masambililo; Ena teshibikilwa umusango wakulondolola cena.**

Lesa eshibikilwa ku kuicefya no busokololo bwa kwa Yesu Kristu mu muntu umututu nganshi. Mwamona? Te masambililo yenu ya fya bulesa; **cena busokololo bwakwa Yesu Kristu.** “Na pali ici cilibwe, Nkakula Ulukuta Lwandi.” Takuli amabwe yambi ayasuminishiwa; takuli ifintu fimbi ifisuminishiwa; takuli ilibwe limbi Iya ci Roma; takuli ilibwe limbi Iya Protestant; takuli sukulu limbi; takuli icintu nacimbi; **lelo filya fine ukusokolola kwa kwa Yesu Kristu mu kufyalwa cipya cipya.** Ena afyalilwa mulya kabili Ena abikamo Umweo wakwe umwine, kabili ubumi bwenu bwaliya (*Abena Kolose 3:1-4*), kabili Umweo wakwa Kristu buleilangisha Ubwine ukupitila muli imwe ne ntanshi yonse ku bantu (*Abena Kolose 1:18*) pakutila bengamona Umweo wine, ne milimo, kabili ne fishibilo ne fipapwa ifyo Ena acitile alecita ifintu fimo fine ukupitila muli imwe. Kunse ka cilya, abashala ba cena tabaitwa nokwitwa nakalya.

Moneni ubusokololo ubukalamba ubwa kwa Lesa ulefunguluka. **Pa kubulisha ubu ubusokololo e mulandu wine twakwatila ukupatukana ukwingi pakati kesu kabili no kusentekwa ukwingi, ukupatukana ukwingi mukati kesu, ni pa mulandu wakutila abantu tabakwata bulyo busokololo. Mwamona, bena tabakwata bulya busokololo: bakasambilisha.** [4]

Abana ba bucintomfwa cipilibula... “Bucintomfwa” cipilibula “ukusangukila.” Nalifwaile cilya mu citabo cakulondolwelako amashiwi ukuba uwa shininkisha. **Bucisanguka, ukusangukila kuli cinshi? Icebo cakwa Lesa icasokololwa. Nga filya Kaini asangukile ubusokololo ubwasokololwa bwa kwa Abele, ukushininkishiwa na Lesa ukutila ali umulungami...**Kabili Kaini asangukile cena no kwipaya munyina (*Ukutendeka 4:1-16*). Aba Fariseo no kwishiba ukwabo abene ukwa cilonganino pafyo Icebo cakwa Lesa cali, casalile abantu bakuisontela, **basangukile ukususha Icebo cakwa Lesa icashininkishiwa ukulengwo ukumonekela ilelo, Yesu Kristu, no kumwipaya Wene.** Cilya cishinka? Filya efyo abana ba bucintomfwa baba, **bucisanguka ukukanya Icebo cakwa Lesa.** Nomba, mwamona uko babelele? “Owe, inshiku shafipesho amano shalipita. Yesu Kristu taba cimo cine ...**Takwaba icintu icaba nga filya ngo lubatisho lwa Mupashi wa Mushilo. Fyonse filya fintu buwelewele.**” Bucisanguka, bena tabalingile ukusosa ifintu fibili, mulingile fye ukusosa cimo. Epela fye; bulya ni bucisanguka palya pene. Bena teti basose, “Imwe tamukwete amenso, imwe tamukwete amatwi.” (*1 Abena Korinti 12:16-20*).

Imwe mulingile ukusenda Umubili onse, Icebo conse. [7]

Lelo nomba, Lesa alisosa muli ishi nshiku shakulekelesha Ena akaleta abantu abo abasambwa mu Mulopa Wakwe. Kabili bena balilingilwe libela ukuba kulya; bena balingile ukuba kulya. Lesa efyo asosa. Kabili Cena cikasokolola...Kabili icishibilo cine nali—Malaki 4:5-6, kabili nefyo ena ali nokucita—**ukubweseshana nakabili, ukubweseshana mu nshiku shakulekelesha ifi fintu fikalamba ifyo Ena alaile. Ena akaleta ubusokololo. Ni finshi ifyo ena alingile ukucita? Malaki 4 cali ukubwesha icitetekelo ca bashifwe ku bana.** Mwamona? Cilya cishinka—ukuleta cilya icintu cimo cine, imo ine Ntumba ya Mulilo mu kumonekela, ifishibilo fimo fine, ifipapwa fimo fine, Yesu umo wine, ukulenga Wene ukuba cimo cine, ukushimikila Wene umusango umo wine, ukushininkisha Wene cimo cine mailo, ilelo, no muyayaya.

“Lelo Nkabweseshapo nakabili,” efyo asosa Shikulu, “yonse imyaka...” (Yoele 2:25-27). Cinshi? —“fyonse ifishibilo ne fipapwa ifyo bena bakana. Nkafibwesha ku cimuti ca ntandekelo nakabili, kabili Nkabweseshapo Cena,” efyo asosa Shikulu. Ulya kasesema ali kasesema uwa shininkishiwa. Ifyebo fyakwe fyalingile ukufikilishiwa. Amen.

Mupashi wa Mushilo eka e Kasokolola wa kusokolola ukwa Bulesa ukwa kwa Kristu kabili efyo aba mu nshita shonse. Ibukisheni...Inshita shonse? Nibani abo Icebo cakwa Shikulu caishileko? **Kasesema eka.** Cilya cishinka. Bushe cilya cishinka? Kabili kasesema alingile ukushininkishiwa intanshi. Te pa mulandu wakutila alisosele ukutila ali ni

kasesema, pa mulandu ena afyelwe kasesema no kushininkisha ukuba kasesema, kabili na fyonse ifyo asosesele fyali filya fine pa Cebo kabili fyaishile fikilishiwa, lyena conse icashala calilekeleko. Mwamona? Icebo icakwa Shikulu ciishile fye ku Mupashi wa Mushilo. Baibele itila, “Abantu bakale, baenshiwe na Mupashi wa Mushilo balembele Icebo” (11 Petro 1:20-21). [4]

Muleibukisha muli Daniele 12:9-10 Ena atile, “Aba mano bakeluka mu nshiku shakulekelesha.” Cena calipelwa kuli wene.

Umupashi wa mano uleisa mu lukuta ukulengwa ukwishibikwa ku lukuta ku busokololo wa Mupashi wa Mushilo – ukuleta ulukuta mukati no kusokolola ubushiku ubo tuleikalamo (Abena Efese 1:15-23). Cimo cine fye ngefyo Gabriele aishile kuli Daniele (Daniele 10/12), **Mupashi wa Mushilo aleisa ku lukuta mu nshiku sha kulekelesha ku kusokolola ifi fikalamba, ifyashika, ifintu fyankama.** [8]

Umwakumona:

[1] “Church Age Book pg.124, 83

[2] “Ukupela Umulandu” (63-0707M), pg. 43

[3] “Imisango Itatu ya Bacetekela” (63-1124E), pg. 9

[4] “Kristu Enkama yakwa Lesa Ukusokololwa” (63-0728), pg. 36-40, 43-45, 49

[5] “Icilaka” (65-0919), pg.43, par. 150-151 / pg.18

[6] “Mukwai Tulefwaya Ukumona Yesu” (61-1224), pg. 27

[7] “Umulungu uwa ino Inshita Ibifi” (65-0801), par. 168

[8] “Umulungu Uwalenga Cine lubali Uwa kwa Daniel”

Ilibwe Ilya Kukulilako Ilya Bumupashi No. 148 ukufuma mu Cebo icasokololwa ica ino nshita lyatantikwa naba: Gerd Rodewald, Friedenstr. 69, D-75328 Schomberg, Germany. Nga mulefwaya utuma Buku natumbi lembeleni kuli ba Emmanuel Believers Fellowship P.O. Box 440185, Isoka. Cell No. 0966402048/ 0974367607

Kuleisa umo ne Mbila iyo ya tonta fye pali Baibele, kabili umulimo uwa mulubilo ukashinguluka isonde. Imbuto shikaya mu mapepala ye lyashi, mufya kubelenga, mpaka imbuto yonse iyalingilwa libela iyakwa Lesa ikomfwe Yena.(Munyina Branham mu, Conduct-Order-Doctrine“, page 724]